

太上洞淵說請雨龍王經

道君昔於三天之上以觀世界伏見諸天諸地疫氣流行人多疾病國土炎旱五穀不熟兩兩三三莫知何計爾時

天尊乘五色雲來臨國土大作神通變見光明與諸天龍王仙童玉女七千二百餘人宣揚正法普救眾生大注洪流應時甘潤汝等眾生不信殃沉九祖幽魂苦爽名係鬼官之中百劫千生終無出日若能勤心受持讀誦功德深遠人民無災各各延壽長年無有中傷

道言國若有難兵戈競起人民相食天地震動日月不明其國但於福德之方宮苑之內或有泉池之處置九龍之位立五聖

道藏輯要

請雨龍王經

三

房集五
川上

之形轉念此經禮虛皇上帝鎮國天龍當得妖氛自滅兵革不興君臣有道龍德相扶天下太平恆居祿位是時諸仙等眾聞此演說悉皆利益普潤含靈俱起作禮各願受持
太上洞淵召諸天龍王微妙上品

東方青帝龍王

南方赤帝龍王

西方白帝龍王

北方黑帝龍王

中央黃帝龍王

日月龍王

星宿龍王

天宮龍王

龍宮龍王

天門龍王

閻羅龍王

地獄龍王

天德龍王

地德龍王

天人龍王

飛人龍王

蓮花龍王

花林龍王 五嶽龍王 山川龍王 父加殺鬼龍王

伽羅含鬼龍王 小吉龍王 金光龍王 金色龍王

陽死龍王 陰死龍王 醫藥龍王 獅子龍王

鎮國龍王 鎮宅龍王 錢財龍王 井竈龍王

金銀龍王 珍寶龍王 庫藏龍王 富貴龍王

五穀龍王 五穀龍王 金頭龍王 衣食龍王

官祿龍王 官祿龍王 江海龍王 雲海龍王

淮海龍王 山海龍王 洲海龍王 國土龍王

州縣龍王 城市龍王 靈壇龍王 風伯龍王

震動龍王 雷雨龍王 大雨龍王 散水龍王

大雨龍王

道藏輯要 請用龍王經 三 房集五

道言告諸眾生吾所說諸天龍王神咒妙經皆當三日三夜燒香誦念普召天龍時早即雨雖有雷電終無損害其龍來降隨意所願所求福德長生男女官職人民疾病住宅凶危一切冤家及諸官事無有不吉如有魔王及諸邪鬼若聞此經不去者頭破作七分令絕根本吾所說此經所厭者伏所禳者卻如有國土城市鄉村頻遭天火燒焚者但家家先書四海龍王名字安著住宅四角然後焚香受持水龍來護

東方東海龍王 南方南海龍王

西方西海龍王 北方北海龍王

各各浮空而來神通變現須臾之間吐水萬石火精見之入地
千尺復有大水龍王主鎮中央隨方守鎮掃除不祥

道言若善男子善女人家奉龍王若能書寫常安龍處及著庫
藏之中皆以清水淨果依時供養或是月朝月半祭龍之日讀
誦經文呼召龍王家富貴無有虛耗庫藏盈溢此經神驗不
可稱量是時四眾聞此演說歡喜無量八萬四千龍王一時踴
躍天地震動龍神俱會大雨洪流普救眾生一切天人同時稱
善稽首奉行

道藏輯要

請雨龍王經

三

房集五